



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

II. Ex hac Justiniani constitutione aperitur verus sensus canonis XIII.  
Laodiceni, quo cavetur ut vilis plebecula a ceatur ab electione Diaconorum  
vel Presbyterorum.

**urn:nbn:de:hbz:466:1-15617**

auctoritas in eligendo Episcopo non impidebat quin aliquem postulare possent, relictio penes synodum integro arbitrio; ut patret in hoc negotio Nicopoleos. Senatus enim prefectum à Basilio approbaverat: *Vos probasti dignum esse*, inquit, & non confessimus: *λέγοντες τὴν αὐταρέτην, καὶ ὅμεις ἐδημόσιες, καὶ ὅμεις συνεβέβητα.* Reliquum erat ut ordinatum Episcopum à plebe suscipi curaret. Hoc quoque voluit significare idem Basilius in epistola LXII. ad Neocœsarienses, post Musonij Episcopi obitum: *Cavendi vobis lupi, vigilis cuiusdam pastoris præsidio, quem repurgatis contentione omni & primatus affectione animis petere quidem vestrum est, Domini vero designare: λόγου φυλακήσοντες τὸν ποιμένα Θεοτοκίαν, ὃν ὑπέτερον εἰδὺ αἴτην τῷ φιλοτερεῖαν πάντοι καὶ φιλοτερεῖαν τὰς Φυλές κατέθεσθοντες, οὐκεῖται καταδίκας.* Postulare pastorem, à synodo scilicet, possum est in potestate plebis; sed Dei est designare præficiendum, nempe synodi ejusdem judicio.

VI. Sanè licet Episcopum hunc vel illum populus petere possit, nullum tamen sibi potest præponere absque synodi iudicio; ut docet canon decimus sextus Antiochenus: *Si quis Episcopus vacans in Ecclesiam vacantem profiliat, sedēmque pervadat absque integrō perfactōque Concilio, hic abjectiatur necesse est; et si cunctus populus, quem diripuit, eum habere delegerit. Perfictum vero Concilium illud est ubi inefuerit Metropolitanus antistes.* Vi hujus canonis, qui recitatur in actione undecima Concilij Chalcedonensis, pulsii sunt episcopatu Ephesi Bassianus & Stephanus, relicta eis dignitate episcopali, & alimentis.

#### CAPVT VI.

##### Synopsis.

I. Dein Graci integrum electionum jus traxerunt ad synodum metropolitanam, neglegit clero & populo Ecclesia vacantis. Incommodum hoc tollere tentavit Iustinianus Imperator, qui vitem plebeculam ab electione removit. Tres autem eligi à clero & honoratis juber, ut unus ex iis à Metropolitanano eligatur.

II. Ex his Iustiniani constitutione aperitur verius sensus canonis XIIII. Laodiceni, quo cavitur ut vilis plebecula arceatur ab electione Diaconorum vel Presbyterorum.

III. Olim enim clerus & populus ab Episcopo interrogabantur in ordinationibus clericorum; ut patret ex Cypriano, Eusebio, & canonibus Africanis.

IV. Quiris autem istius occasione plebs sapissime peccabat, adeo ut indignos pleniusque eligeret. Invitos eum quandoque rapubat ad presbyteratum, ut accidit Augustino.

V. Exemplum item ejus rei datum in Paulino Episcopo deim Nolano. MARCA factus Presbyter apud Barcinonem in Hispania.

VI. Exempla item in Piniano & Chrysostomo. Quare prudenter cautum canone Laodiceno removendam esse plebem ab electione Diaconorum & Presbyterorum.

VII. Postiori ratione porrigitur fuis hac prohibitiō ad electiones Episcoporum. Joannes Scholasticus turbas aceriscribi ab electionibus Episcoporum.

VIII. Iustinianus edxit clerum & primates populi solos ad electiones Episcoporum admittendos, neglectis turbis. Blondellus notatus.

IX. Clerus & honorati elegunt. Plebs vero facit & applaudit.

I. **V** SURPATA à Græcis consuetudo, à minoribus civitatibus jus electio-  
num avocans, illud solidum & integrum metropolitica synodo addicebat, neglegit clero & populo Ecclesiæ vacantis. Cui gra-  
vi incommodo ut Iustinianus mederetur,  
novam legem condidit; qua jus cum tem-  
peramento quodam induxit, concessa Cle-  
ricis & populo suffragiorum liberrate ad  
exemplum occidentalis Ecclesiæ, & relata  
Metropolitanis auctoritate non contemne-  
da. Ac primū Clericis & civibus honoratis,  
qui olim unā cum Episcopis de electione  
consulebant, concessit ut soli eam perage-  
rent, repulsa ab hac deliberatione vilis ple-  
becula; ea lege tamen, ut trium persona-  
rum electionem scripto factam ad Metro-  
politam transmitterent. In istius autem arbi-  
trio positum erat è tribus, quem magis idoneum  
judicaret, Episcopum designare & ordi-  
nare. Novella cxxii. & cxxxvii. lex  
quoque 42. C. de Episcopis, continent juris  
istius novi institutionem.

II. Ex ista Iustiniani constitutione ape-  
ritur verus canonis Laodiceni sensus; cu-  
jus interpretationem ad hunc locum de in-  
dustria retulimus. Is est decimus tertius, cu-  
jus hæc sunt verba Græca: *Ἄλλος δὲ μη τοῖς ὄχλοις ἀπιστένει τὰς οὐλογικούς ποιεῖται τὴν μελλόντων τελετῶν εἰς τὸ ιερότερον. De eo quod non licet turbis electiones eorum facere qui al-  
taris ministerio sunt applicandi; ut loquitur  
vetus interpres. Eodem sensu Ferrandus in  
Breviatione cap. 105. de Diaconis interpre-  
tatur: qui quidem propriè εἰς ιεράτεια sive  
in sacrario, quæ templi pars erat altari pro-  
xima, locum habebant libi specialiter addi-  
ctum. Attamen Martinus Bracarense reddit,  
qui ad sacerdotium promoventur: Dionysius,  
qui sunt ad sacerdotium provehendi; ut εἰς ιε-  
ράτεια legisse videantur. Itaque genuinus  
hic videtur esse verborum canonis sensus, ut  
vilis plebecula arceatur ab electionibus Dia-  
conorum vel Presbyterorum. Diaconos  
quippe ad suam dispositionem plebs trahe-*

vide Collio  
ēna Hollm.  
part 1. pag. A. R.  
part 2. pag. 116.

## & Imperij Lib. VIII. Cap. VI. 387

bat, quod multitudini fidelium electionem Diaconorum Apostoli permisissent. Plerique etiam invitatos ad presbyteratum per vim adiebat.

III. Certum quidem est in Clericorum ordinationibus clerum atque plebem ab Episcopo fuisse consultam olim, ut docet Cyprianus epist. XXXIIII. In ordinandis Clericis, fratres carissimi, solemus vos ante consulere, & mores ac merita singulorum communivoto ponderare. Vnde Cornelius Papa apud Eusebium lib. VI. cap. XLIII. Novatianum vetitus a clero & a plerisque laicis ne in presbyterium adsciceret, hunc solum sibi concedi ordinandum petuit. Hic usus confirmatus est canone XXII. Concilij Carthaginensis tertij: *Vt nullus ordinetur Clericus nisi probatus vel Episcoporum examine vel populi testimonio, id est, utroque. Vel enim conjunctive accipitur, ut fieri solet in scriptoribus hujus atatus.* Quod explicat Concilium Carthaginense quartum can. XXII. *Vt Episcopus sine consilio Clericorum suorum Clericos non ordinet, ita ut civium convenientiam & testimonium queratur.*

IV. Sed juris istius occasione plebs saepissime peccabat, adeo ut indignos plerunque eligeret. Eleganter Hieronymus lib. I. adversus Iovinianum: *Nonnumquam errat plebis vulgique judicium; & in sacerdotibus compribandis unusquisque suis moribus favet, ut non tam bonum quam sui similem querat prepositum.* Et in Ezechielem cap. XXXIIII. scribit Episcopum & Presbyterum a populo electos & assumptos, ideo formidandum ne accendant indigni. Contingebat aliquando ut invitatos etiam raperet ad presbyteratum; ut accidit in Hippomeni Ecclesie, ubi Valerius episcopatum gerebat: qui cum flagitante ecclesiastica necessitate de providendo & ordinando Presbitero civitatis plebem alloqueretur & exhortaretur, jam scientes catholici sancti Augustini propositum & doctrinam, manu injecta--- eum tenuerunt, & ut in talibus consuetum est, Episcopo ordinandum intulerunt; omnibus uno consensus & desiderio fieri persicque petentibus, magnoque studio & clamore flagitantibus, ubertim eo flente; ut loquitur Possidius cap. LIII.

V. Sic a Lampio Episcopo anno CCCXIIII. apud Barcinonem in Hispania per vim inflammati subito plebis sacratus Paulinus, ut est in epistola XXXV. Augustini. Qua de re ipse Paulinus, qui fuit postea Nolanus Episcopus, haec scriptit ad Severum epistola sexta: *Nos in Barcinonensi civitate constimus. Post illas literas quas scripsisti, di Domini quoniam de carne dignatus es, repentina, ut ipse testis es, vi multitudinis, sed credo ipsius ordinatione corruptus, & presbyteratu initiatus sum.*

Tom. II.

Sanctissimi & nobilissimi illius viri, qui natione Aquitanus erat, mihi quoque Aquitanus memoria observabatur, quando Barcinone consistens, ejus opem flagitando, ad presbyteratum sponte sum proiectus anno millesimo sexcentesimo quadragefimo octavo.

VI. Horrendum & perseverantissimum clamorum fremitum Hippomensis multitudinis pro cogendo Piniano ad presbyteratum recitat Augustinus epistola CCXV. Vim quoque sibi illatam a populo Antiocheno conqueritur Chrysostomus ut presbyteratum suscipiet.

Quare canonis Laodiceni verbis interdicta est plebi Diaconorum & Presbyterorum electio; nempe ne per tumultus negotium istud ad se pertraheret, invitis quandoque Clericis & honoratis.

VII. Attamen cum par ratio & potior reperiatur in Episcoporum electionibus, quas plebs aut factiosorum studiis aut pretio accensa turbare solebat, minus dignos saepe ingerendo, (ut factum in electione Eusebii cathechumeni, ubi ὥχλαδης χειρ πατέρου τὸν ἀνελεῖς, turbarum manus erexit) curarum, ut loquitur Nazianzenus epist. XXII. cuius violentiae similia passim occurunt exempla) ideo rectissime Ioannes Scholasticus Patriarcha Constantinopolitanus, qui floruit sub ultima tempora Iustiniani, in veteri canonum collectione canonem Laodicenum sic accipit, ut turbis prohibeantur electiones Episcoporum, Tit. VII. collectionis: μὴ τοῖς ὥχλαις ἑπτάτεροι σκλονῶσι τοῖς δια τὸν ἔποντα, adducitque statim canonem duodecimum Laodicenum. Eadem fuit sententia Martini Bracarense, qui primum caput collectionis sua, quod inscribit De electione Episcoporum, ex hoc canone Laodiceno decimo tertio componit.

VIII. Quare canonis istius decretum fecutus Iustinianus, suis legibus diserte clerum & primates populi solos ad electiones Episcoporum admisit, neglectis turbis: quarum assensus non erat negligendus, sed inter suffragia legitima non censebatur. Sic enim accipienda sunt verba canonis, ut plebis interventio prohibeatur, non autem ut sola ejus violentia arceatur, quemadmodum scriptit vir eruditus Blondellus.

X. Potest discrimen istud inter honos ratos & vulgus, quod insinuavimus, probari ex Theodoreti verbis loquentis de Petro qui successit Athanasio novem annis post tempora Concilij Laodiceni. Ait ejus electionem factam quidem ab Athanasio vivente: οὐ μήποτε γεγνόντεθναν, οὐ θεοφεύλαν, οὐ τέλος οὐ πέλειχε δέξιάμαστι, καὶ οἱ λαοὶ οἱ ἄντες Κ

Ccc iij

Vide Talm. iij  
de vita Iust. 6. 192